





國朝詩觀卷五

瑞州新昌王錫侯韓伯編次

男霖校字

李杜


字鶴齡別號卧廬南豐諸生

江村

小立危橋上。江村得晚涼。半山松子熟。數畝豈花  
香。古道奔行路。柴門閉夕陽。回身飛鳥下。秋月迥  
蒼蒼。

舟發大安鎮

巡柝聲初靜。開篷極目望。孤舟一夜月。十里雨。堤  
霜。旅夢多消。村烟尚混茫。暗藏衰柳葉。飛向客





衣黃

三四自然

悲秋

如何春草後。竟是可人憐。葉落風鳴樹。魂銷鴈唳天。霜飛一片月。秋老萬家烟。處處砧聲急。寒衣寄少年。

君不來

不來春久去。木葉下紛紛。溪院孤燈落。空山一水聞。人隨江北遠。月過嶺南分。隔舍敲刀尺。催完玉線裙。

溪厚

同黃二在銘登敬亭山

秋後敬亭靜。寒山鳥自飛。淒風不肯歇。落葉又何依。一水柴門下。兩人竹徑歸。且生酤酒計。莫負釣魚肥。

蘊藉

譚村暮歸

一別東河舍。揮鞭下翠微。天從溪樹出。人度晚涼歸。細月初遮帽。新秋恰試衣。沿村收稻早。野老飯牛肥。

自然幽折

秋晚客了溪畔甘仙師墓

有客行吟去。來觀流水前。斷碑無月日。古墓是神仙。鷄犬穀何處。牛羊跡宛然。秋溪誰掃落。葉一



溪烟。意在言外

暮春懷郭梅溪舟到南昌

莫共南昌去。徒然守竹房。鶯花三月老。風雨一春忙。計路于今到。懷君自此長。不知湖上酒。歡笑對誰嘗。三四老到

春行

曲曲穿山麓。過橋別有天。三村紅杏雨。一浦綠松烟。立馬鞦韆外。看春蛺蝶邊。此回酣不醒。芳夢夜纏綿。

春晚獨步

閉戶春難遣。尋芳欲豁然。誰知獨步履。都是暮山川。春雨寒三日。梨花去一年。可能青鬢髮。長吹晚風前。

荷風

新荷如少女。風下可人憐。香過紅衣動。珠遺翠蓋偏。散花離浦月。吹粉上溪烟。曉望鴛鴦浴。波平盪畫船。雅切

登滕王閣

此地曾歌舞。憑臨動旅愁。誰開九日宴。自吊一天秋。霜老羈人鬢。風寒帝子樓。漁舟悽唱晚。莫聽暮



江流 悲涼 老健

贈翠霞上人

看花閱踐約。午餉恰鳴鐘。黃葉煨秋芋。清泉煮晚菘。行吟六七里。日落兩三峰。記得芙蓉上。浮雲一

夢蹤 利流

送符岳秀歸刊溪

馬首東歸岐路賒。倚樓長憶白雲家。門前青種先生柳。池上紅開君子花。醫世辛勤年老大。還山歌嘯月橫斜。訪時許解相思渴。四角盤盛七碗茶。

吊五忠祠 在麻姑山祠岳武穆等五人

九月風寒吊五侯。麻姑壇外悵悠悠。忠魂奮激騎箕尾。破屋荒涼繫馬牛。鐘鼓不鳴流水咽。山花無語路人愁。殘碑讀罷難回首。木葉蕭蕭下石頭。

上南臺山

南江木末鳥飛還。檻外泠泠水照顏。兩岸魚鹽收晚市。一橋烟雨上秋山。蘆灘帆落風迴細。竹院鐘敲月出閒。將展芭蕉題數字。只愁青翠失人間。

細膩 幽秀

東華山

東華山上白雲開。草藉花眠僊不回。絳簡有書難



附鶴丹爐無火只封苔。年年鶯老春隨去。夜夜燈昏。月過來。洞口牧童還好事。悶將松板寫塵灰。

拜蕭忠烈公墓

諱漢字雲濤南豐人進士任鍾洋令闖城破城自刎而死

溪花溪草漫紛紛。酒奠先生五尺墳。不展降旗探社稷。獨歸忠骨壅烟雲。禪房赤地生前血。帝閣丹書死後勲。慚愧鍾祥千里土。祇留方丈豎碑文。

陳洪謨

字敷文真黃人乾隆丁丑進士

別邑侯邊明府調德安

朱門半入紫微宮。昔拜天書冊祖功。瀛海已朝羣鳳日。宜陽又跨一鳧風。寒肥夜雨新抽翠。花醉春晴欲吐紅。蜴好閭閻方喜起。仙舟肯令出溪東。

晴欲吐紅蜴好閭閻方喜起仙舟肯令出溪東

陳洪猷

字秩文洪謨弟廩生

賦得四月清和雨乍晴

炎節當初夏。於時淑景呈。陰凝千嶂雨。雲散萬峰晴。出坎收靈液。居離占大明。風和花影活。烟靜水光澄。物自迎暉秀。野還帶潤榮。乍聞鶯語滑。已覺蝶身輕。檻外風逾暖。堦前氣益清。休光欣共挹。化育洽羣情。

育洽羣情

字字大雅

劉飛鳳

字愚一真黃諸生工書篆

偶吟

四首之二



謾學解嘲與答賓。由他鬚鬢改風塵。頭後彭澤非  
能隱。却愛黃庭未入神。三絕惟痴還類我。一生獨  
懶不輸人。平心自愧真無謂。近日新詩了不新。  
逡巡容易老韶華。計拙謀生學畫蛇。貧不求人還  
似樂。詩雖未雅亦成家。醉穿康樂山中屐。寒採襄  
陽雪裡花。惟愛園林堪適興。何愁前路日西斜。

亦傲岸  
亦瀟灑

陳堯勛 字政圃 臨川人

雲路庵

散路無拘束。雲堂得路偏。門閑秋色裡。人靜晝陰

前。啜茗心知苦。繙經味尚玄。蒼黃成一笑。北鴈已

南天。

三四  
開適

李際春

字東吳 寧州貢生 著有梅窓稿

晒藥

愛日頻攤藥。悶將潤氣揉。春回消萬病。何味可醫

愁。

新  
妙

活水園小飲。和熊大雪研。韻

竹徑留雲霧。花陰掃不開。詩成方命酌。好月樹間

來。

閑  
雅

秋夜呈熊四樵山



同君抵足話連床。一夜蟲聲噪滿牆。無意思秋偏不寐。小窓寂寞試新涼。

關下圓通寺中漫興

洒落城東古刹留。攬芳端不負良遊。芙蓉秀削山皆碧。寶鏡光浮水自流。頰上胡麻猶舊種。亭邊井灶幾更秋。年年載酒酬僧約。一度搜尋一度幽。

韓松字寧萬宜黃人工大書

邱夜酬答有引

乾隆丁丑春予自北還將入南徐遇逃荒者戴道到囊潤之以致路費不敷舍車而徒并日一站晚倦道旁適姬倚門曰此去姑甚遠莫若就宿于此予因入室少頃見一少艾素

粧把赤入發所余詢姬答曰是吾新寡媳也既而列肴核具壺漿侍側頗勸醉則索茗乃行水燭炳姬抱赤就寢余聞囊酬謝以便早行婦固辭云囊中倘得字一幅可抵十倍余慨與之張于壁婦曰本村有姓月名桂者敢問可屬對尊款否答之曰不惟佳可與同寢奇聯也婦欣然曰吾終身有託矣但與同寢也今值佳媾何必固辭余悔前言之失遂盟誓一律以白素抱

松據夢基名自操霜與雪完天赤子真維世丈夫節制行砥凡流立言正庶孽若教易素持粉碎雷

靈戒

似古銘記

婦警其辭頗抱愧色復吟一律勉之并留別云

望桂樹芳叢瑤池共冰雪情空一宿歡志立千秋



不滅。節愛子即憐姑。崇祥自去孽。滌心服此言身滅名。

婦讀罷稍憚愧色獨摘瑤池句以問余喻之即答一律云

霄壤欲連枝。綠慳情在雪。宿雲遞月容。夜氣凜韓

節。梅許質同貞。桂慚真。類孽始知奪。志難懲火將

冰。賦吟罷吞冰一塊含淚揖謝而去時門外車馬

有振乃束裝就道漫諷其詩第五句雖是言景似知吾內子乳名恐非人也返視之莫辨其門侯天明詢諸鄉老曰吾鄉從無姓月者似詩似識仙耶

此非文奇事奇

### 咏穩桌脚木

欲定三隅一舉成。那矜小節擅村名。後來學薄漢

安命毋怨高低地。不平達士之言

韓暄字賜谷松長子諸生

### 臨流晚眺

霧氣千重捲。湖光一望收。微波添雨膩。細浪帶烟

流。未測滄溟大。疑瞻碧漢浮。徘徊天欲暮。新月照

江樓三四秀賦

### 賦得鳥散餘花落

林梢禽羽拂。嫋嫋動芳菲。枝軟蜂難定。花餘蝶漸

稀。一羣雲裡噪。數點霧中霏。近覩泥濘溥。遙憐度

影微。無聲飄玉屑。有片撲簾幃。風靜香塵杳。霞翻



綺彩飛回旋。慘曲徑。歷落帶斜暉。滿苑春多少。啣芳望遠歸。

卓然大雅

韓露

字湛斯松次子稟生

### 湖面行舟

萬里波光萬里天。渺茫一碧瀉寒烟。東西莫辨曾遊路。認取峰頭綠樹邊。

### 賦得腐草為螢

昔號含芳草。今為照夜螢。無香飄曲運。有影透疎櫺。釀得千叢翠。飛來萬點星。寒光生個個。腐質自熒熒。室暗投珠遠。憲虛照簡青。托根原不朽。變化

有殊形

奇句紛集

### 賦得石磴瀉紅泉

一陂飛流出。蒼岬霽色鮮。繪成靈谷景。幻綴武陵烟。點點丹砂麗。霏霏絳雪妍。桃花翻砥柱。脂水湧湯泉。冷艷空青變。明珠木杪懸。尋源思謝屐。濕透火龍涎。

錦心綉口

王鴻澤

字雨蒼南誠諸生

### 幽居有感

年來三十迄無能。兀坐幽齋但撫膺。几上硯田原是石。窓間螢火却非燈。吟肩孤聳宵忘寐。耕舌多



時歲幾登。賴有焦桐常作伴。與酣三弄似良朋。

寒士風味  
閱者生感

魯袞 字補之別號松門南豐諸生詩名甚噪

### 後姑山絕頂

鰲背盤空上。超然汗漫遊。江分山色斷。天入水聲流。虹外半邊雨。人家數點秋。俯看石壁下。嵐氣結

為樓 奇境  
奇句

### 麻橋過陶四栗亭書舍

烟火成墟市。洲居四面山。板橋行客晚。流水到門閑。廟古高松覆。沙田細路灣。覓詩因訪戴。踏遍野

### 雲還

#### 百丈巖絕頂

汗漫千林外。微茫四望中。亂山圍綠野。遠水破青空。海盡吳雲接。天窮楚塞通。豪吟當落日。輕袂忽

凌風 可想其  
高曠

### 天心堂題辭

一路冲雲竇。天門獨叩關。日高孤鶴起。雨過遠僧還。野水自流灶。寒鐘不出山。倚欄吹鉄笛。聲墮白

雲間 五六  
自然

### 武陽驛



江水白泱泱孤舟泛夕陽岼迴津樹合墟散野祠  
荒心事三更月功名兩鬢霜莫依閒處泊鷗鷺笑  
人忙

李鳳山將軍墓

諱永昌號鳳山奉新人任把  
總康熙甲寅聞寇犯南豐與

幼子芳同戰死于  
陳豐人葬之北郊

凜凜朔風蕭墓門。斷碑荒草正黃昏。一身殉國家  
何戀。半夜驅蠻氣已吞。生有鳳毛堪將種。死餘馬  
革報。君恩滿山躑躅花如染。猶是將軍戰血痕。

楓灣

板屋柴門曲澗東。短橋當灞亂流通。一窠綠竹炊

烟外。十畝春苗細雨中。老婦剪松催曉餉。小童選  
石坐朝盞。典衣賃得南園地。閑結茅庵伴釣翁。

寄懷余聲谷謝霽中筠初讀書廣昌之香山

一瓢一笠萬峰頭。結伴相隨野外遊。夜到四更先  
見印。午當六月已如秋。山中雲氣窻前出。澗底波  
聲夢裡流。待我來時來未得。釣筒閒却子陵鉤。

奇境藉  
詩以傳

不寐

餓鼠依人不厭窮。近床嚶戛破詩筒。芭蕉窻外蕭  
蕭雨。薜荔牆頭颯颯風。四壁淒清餘匣劍。一燈貧



病有衰翁。都來身世關心事。數盡西林夜定鐘。

古青山房訪趙黎村

綠羅溪處訪詩仙。曲檻高窓列萬編。鶴守閑花籠  
瘦石。客來野蕪薦寒泉。松皮覆屋三春雨。蔓翠平  
湖二月天。出郭偶然同一醉。笑殺喧上釣魚船。

漢宮春怨

懶畫蛾眉一葉長。海棠枝上月如霜。飛花不識愁  
溪淺。還逐東風入未央。  
蘊藉 風流

楊三姊墓

碧蘚紅蘿土尚馨。誰將杯酒吊娉婷。可憐川上亭

邊。月芳草無言夢不醒。

珠娘墓

江南人。與楊三姊並葬南豐。南墓山。皆明萬歷時官宦女。

鷓鴣啼處鬼燈藍。喚起春魂三月三。花落花開寒

食夜五更風雨望江南。

起更 奇特

張皋

字敬軒。別號韞山。南豐人。

銘是吾亭子石硯

子石子石。天然不多沐。日浴月中含。太和保茲靈  
胎不琢而磨。鬱鬱雲氣非龍而波。鴻文永壽貞心

匪他

鋤雲歌



山居何所事。及時力南畝。清明種嘉穀。秋成期升斗。簑笠飽風烟。山婦勤箕帚。村落易為家。青蔬薦白。酒况有鷺鴨。群池塘足菱藕。不知貧賤難。但祝父母壽。南極見一星。倚檻頻仰首。  
真是田園樂

對酒

余生多碌碌。行年三十九。兄弟三兩人。東馳復西走。鷄衣愁百結。畏腸難盡剖。動止悔顛翻。逢人強索酒。四顧寂無聊。旁皇吾與婦。朝撥南山雲。暮種北山柳。賦詩誰與娛。狂歌當風吼。  
結語奇橫

步雪南樓同人分韻

携手南樓上看山。不見山江天。渾一色。烟火識人間。野鶴雲中杳。新鶯林外閒。春風謀夜醉。遲汝款柴關。

壬午孟秋江蝶垣譚未齋謝挈原徐柯雯胡

蕭雲將遊軍峰

就此凌虛上。諸峰只半山。雲梯天路近。丹井洞門閒。海日無塵碍。乾坤此一關。抒懷當盡興。不用怯躋攀。

放眼須高處。周流括大千。山從雲外立。日向額頭懸。望海宜三鼓。摘星近五天。好風吹貫耳。直欲扶



飛仙逸氣

秋夜寄懷謝十楓亭客臺灣

僻地詩多趣。諸羅海外城。風從天末起。月向島中生。載酒身多累。逢歡別有情。一般良夜景。何以報同聲。

海角生殘夢。關山憶遠行。賓朋時聚首。談笑復何情。寒露花心冷。朔風柳下鳴。長條板不盡。又向故園生。

曹南豐讀書岩

雙澗迢迢舟自橫。垂楊斜帶暮烟平。辨香亭在人

千古洗墨池荒。月半明。北宋衣冠成往事。南豐文字有先生。摩挲碑碣蒼苔滿。秋雨春風無限情。

五六流逸

丁丑暮秋過西郊草堂哭曾松門師

颯颯西風響敗籬。蕭蕭落葉閉靈帷。三年雪斲松門路。身曾繪松一卷秋深菊榭詩。化鶴不歸山欲暮。留雲如在月來遲。先生少時夢得竹窓一榻留雲住石室千年化鶴歸之句可憐箸畫寒灰後。先生有箸畫寒灰改舊詩之句獨立荒郊聽子規。

情深文至可勵末俗

重九前二日登高感賦



寒江木落影蕭騷。遠黛晴空翠幕高。載酒漫尋叢  
菊笑。敲詩應慰美人勞。雲間野鶴橫秋水。天外歸  
鴻惜羽毛。千古只聞陶靖節。至今誰復嘯東皋。

桑婦吟

三月多風雨。朝朝采桑葉。采遍隴頭青。絲絲不衣

妾

與古人過身羅綺者不  
是養蠶人。可以對看

峇曾松門師索玉簪花元韵

二月春風晴。復陰百花亭。畔綠烟深。年年花事長  
如此。費盡催花御史心。

秋日懷仲兄

振衣雲駕青山麓。

三仙石

瘦骨稜稜面刮削。雲光顛頂髮毛薄。前者老輩後  
者弱。恰似少長列。序。偃。倭。躡。踞。觀。漠。漠。我從山下  
呼一教。再三招手苦不作。山僧大笑向予言。此是  
三仙石。磊落爾輩何痴異。一諾。

回龍潭

龍潭之頂古缺色。龍潭之面雲生黑。石開兩扇危  
崖逼。中間有徑泉流滅。我初入徑身頃側。抱崖慕  
峭險。莫測捫藤歷。熾履其極。別有天地非人域。潛



龍無殺老蛟。照海門。直接潭。迴漩石。塊倒出。白練懸。海珠噴雪。何連綿。礮石山空。殺鏗鏘。天風振吼。色蒼然。

三首山鳴谷應駭耳震目不愧作者

### 春吟

雨洗山容淨。陰晴變幻賒。瀑春青壁。破崖斷白雲。遮梨落光飛雪。棠開艷妬霞。相邀詩酒伴。清吹送年華。

別有閑情處。何人思不窮。孤村殘照裡。暮靄落花中。峰送千層碧。窻收一徑紅。結廬欣得所。興遠納和風。

老健

長天不見鴈來過。獨倚闌干秋思多。日暮鷓鴣啼不住。數聲風雨隔關河。

言雅意淡

### 擬秋怨寄黃冕昭客蜀

去年雪後送郎行。驀地秋風愴妾情。怨殺瞿塘孤往子。載郎又過錦官城。孤舟遠上溯江源。瘴癘森森泊外番。渾臘河邊無夢到。一聲啼鳥一聲猿。

### 擬閨詞

木落寒砧人未歸。更誰為浣去時衣。妾心已化鴛鴦鳥。日日隨郎江上飛。

清新



次胡翥雲贈謝退菴之諸羅

長條垂柳不堪扳。紅葉西風下遠山。惟有江聲和月色。玉簫吹出海門關。

題黃進經松陰小築

鳴琴遙聽午窓虛。綠樹朱崖一草廬。花落不呼童掃去。閒從松下補殘書。

黃之瀚 字南有建昌府新城人明經

九日志館諸同人登益藩故城奉和素堂伯

元韻

客裡登高愛此山。茱萸樽酒潑朱顏。一顰雁落寒

雲外。到。霧。蛩。鳴。古。樹。間。瀑布淙飛晴作雪。斲鰲石老蘚成斑。日峰天畔扶筇往。華髮應知待月還。

秋夜城南步月和鄧允茲韻

水署新涼換葛衫。偶扶藜杖聽清談。星河夜靜潛移北。鴻雁秋高盡向南。唧唧蛩聲依竹塢。團團月色照花龕。為賡險韻燒官燭。開徑來遊望益三。

三四  
宏放

雨中環勝樓小集分韻得花字

環勝堂傾改作樓。講武遺蹤名久播。前尹湯公不見當年建堂人。訪古攜樽朋滿坐。夏長亭午下疎



國朝言集 卷五  
簾。羲皇一榻真堪卧。黑雲釀雨南山。南樓中。赤日。毒如火。須臾颯颯洒千家。滿城臺閣嵐光鎖。遙情勝。檠兩相逢。浮白懽呼忘爾我。酒闌高咏共歸來。斜陽山路光猶頗。

燕巢為主人所毀

海燕飛飛無定所。來向人間托居處。連雲大厦杏為梁。却泥作巢如百堵。穿花度柳去復來。養就新雛纔振羽。一年旅食過炎涼。詎料主人毀巢宇。傍君門戶結君歡。今日傷心呢喃語。翻身別入烏衣巷。羞見來時舊儔侶。嗚呼。滄桑變幻理則有。天地。

于。人為。逐。旅。一。至。再。至。則。為。墟。莫。使。他。時。懷。舊。主。

仁者之言  
可以為戒

吳璘

字文珊。南城人。乾隆己卯舉人。著有寄聞燕遊二草。

虞美人花

豈徒傾國貌堪嘉。俠女心情更可誇。漢業銷亡無寸草。千秋留得美人花。  
醒透

舟夜聞笛

夜靜誰吹笛。閑情獨倚樓。蛟龍三弄月。天地數聲秋。石裂青溪岬。雲停赤壁舟。不須重合樂。古意向前流。  
三壯



尋秋

尋秋忽不見。行過野人家。壁上蟲書滿。林邊雁字斜。滴殘三徑雨。飛剩半天花。霞請看東籬菊。枝枝欲放花。

五六  
新燕

月夜放舟之章門

更深山吐月。小艇尚中流。古寺藏林密。漁缸映水浮。江湖雙淚眼。天地一孤舟。為報章門近。無人下酒樓。

我所願

家住半山半水中。蒼松翠竹與青桐。上書懶學韓

夫子。讀易還師河上公。騎鹿過溪看皓月。呼猿入洞嘯清風。牙籤萬軸酒千石。不碍乾坤一醉翁。嘯傲烟雲半榻中。奇情彈破古焦桐。閒尋野卉呼樵叟。醉索仙桃問木公。涉世無心日抹月。朝天有路任交風。春光不逐鶯花老。綠水青山咄咄翁。

白菊

艷紫潑紅簇滿堂。秋光偏襲白霓裳。捲簾暮帶疎星影。繞翠黃流淡月霜。明徹冰壺人共醉。行來玉腕坐生香。天然不受繁華染。肯教飛英疊翠床。

脫盡咏  
物窠臼



登金山

東南形勝據金甌。雄鎖長江萬里流。海上月明鼉鼓靜。山中日落鶴巢幽。城高鉄甕潮來晚。地接金陵樹易秋。幸際太平橫短笛。梅花亂落碧雲頭。

桐廬舟中

曙色開林岫。揚帆聞急流。一天青欲墜。兩岸翠難收。瀑濺當岩屋。雲飛近水樓。此中高隱者。六月尚披裘。

景色幽絕

螺山遥拜文信國公祠

日落孤帆雨。遙瞻江上山。魂遊滄海外。祠在碧雲間。

間有客生前。祭無家。死後還。只今柴市月。慘淡照人顏。

括老

蕭本誠

字實懷金谿人授登仕郎

長安徵母馮孺人節孝詩歸上二親塚

號泣仰於昭。我生命何薄。人皆有怙恃。此身靡所托。痛惟親在日。祖母病將革。割股禱穹蒼。減筭綿慈曆。至孝動鬼神。沉疴若洗滌。胡然天不吊。遂為陰陽賊。毀齒失所瞻。乳乳一影隻。白髮青燈語。嚴筆動忤側。萱闈號斯言。心銘并骨刻。曲體受終盟。孝養能竭力。斲酒且戒葷。畢主哀傷盡。一身肩兩



世仰事無俯翼艱危二十載涕泗常相勅悲哉兒  
 命蹇萱萎蓮花國悽切斷肝腸天地為慘黑時時  
 佩遺命叱咤頻涉萋萋芳草暗霽霽浮雲白山  
 高恨與齊水流泪同溢萬許常自愧顯揚不可得  
 懿行埋千古徽音杳巾幗不孝罪通天何所逃其  
 責削匄長安道陳情惟頓額太史與王公感誠百  
 朋錫長篇與短篇有典復有則千秋正氣存五夜  
 光奕奕還思邀 旌典名尚貞珉勒庶幾烏鳥情  
 稍展螻蟻臆山木聳蒼蒼壘雲迷一色此恨抱終  
 天摧戕曷有極父兮與母兮悽悽鑒魂魄

先生至性過人此詩乃血泪結成不必論其工拙所徵王公以下詩冊不下千篇畧錄于左

蕭母馮孺節孝 大史馮慶先生女

孫祖奭 江南

大樹風清玉有烟吹簫侶伴已成仙乳姑應得  
 南山報額帝能教北斗旋白髮忘懷三十載青  
 燈暗泣廿餘年欲知共仇栖椽處庭桂紛紛落  
 照前

前題

表曰脩 新建

江山氣節世相磨士女閨門感激多淒絕四更  
 堂畔月啼烏夜夜上青蘿  
 幾將心血滴殘冰絡緯書報共一燈今日孤兒



陳篋可知寒。泪滿繡繒。

前題

葉佩蓀 吳興

女蘿偏挺歲寒枝。蘭死香留祇自知。海。燕。空。歸。無。準。信。隣。蚕。相。伴。有。愁。絲。教。成。方。進。名。何。忝。解。使。安。仁。賦。最。悲。吟。到。藁。砧。腸。斷。句。青。燈。其。奈。曉。風。吹。

前題

集陶

李友棠 臨川

蕭蕭哀風逝百卉。其已腓。零落同草莽。蘭枯柳亦衰。諒哉負霜柏。懷此貞秀安。素顏欽光潤。冬夏常如茲。結髮念善事。投分志攸希。嬌兒索父

啼不知竟何之。流塵集虛坐。離鷗鳴清池。亦知當平介。但使願無違。自植孤生松。卓然見高枝。浥露掇其英。清明起威颺。奈何五十年。舉目情淒。而玉石乃非堅。日月不肯遲。生有高世名。人間良可辭。光氣難與儔。遙遙萬里輝。積善云有報。逝將不渡疑。欽襟獨閉誼。惻愴多所悲。

前題

梅雲鵬 南城

琴調數載早。離鴻分鏡蕭。郎上碧空霜。冷機絲。悲。夜。月。烟。消。燹。火。泣。晨。風。終。年。斷。影。菱。花。外。干。古。微。音。彤。管。中。匪。直。冰。心。堅。苦。節。還。將。束。栗。奉。



姑翁

前題

朱詔爵高安

秋聲瑟瑟。颼秋氣陰塞。雁夜叫天。幽沉倚絃。欲和多愴音。拂素為寫。貞婦吟。貞婦身同孤雁。苦青燈夜夜。悲風雨。憶昔和鳴。曾幾時。一旦今。飛折毛羽。天荒地老。志不渝。地下相接。本不臆。可憐忍死奉遺言。下有乳孤上翁姥。翁姥失兒。猶有婦孤兒。依母如依父。手提六尺伴匡床。力奉雙親。事脩脯。漂搖門戶。復何人。勉微軀。獨撐柱。艱難冰栢二十春。菴忽霜筠。又黃土墓上。欣開

連理枝。堂上哭。斷椿萱。樹吁噫。嘻。生者不愧死。有知立孤死。節疇難為白髮。汲恩身未補。凜凜數語。慚鬚眉。泉臺茫茫。勿更悲。滄海雖變。曩常垂君不見。湘江水深。恨無極。血淚至今。枝上碧。

前題

帥家相奉新

缺月耿在天。蘭香不終歇。古來樹節操。炳炳自昭揭。予昔攬前徽。歌呼動激烈。柏舟罕重詠。軼事虞泯沒。大節載簡編。寧惟著冰蘖。流芳振薄俗。此志常隱切。南來有佳士。剝啄事樞謁。上堂白阿母。出語詞淒絕。青燈翳熒熒。死淚承霜髮。



母也稱未。參商中道絕。對天脫耳璫。顛地橫腰經。九原下相見。之死情先決。側眼眄尊章。俯仰淚成血。艱難二十載。甘旨日不闕。維未即重泉。終生矢同穴。哀昔羅閨凶。麻衣擁百結。母也重酸辛。和熊字熒子。微軀稍成立。阿母長徂訣。語盡繼之悲。長風吹古雪。於斯感孺慕。于母識圭臬。憶讀閨睚篇。實肇王風列。遘危植堅貞。豈直閨幃傑。千載懷清臺。歌詩崇帶嶽。

前題

陶淑南城

女几有雙鸞。倡和鳴相隨。一朝喪其偶。慘淡無

光儀。蘭陵泚女温。且慈媚習古訓。今班姬鹿車共挽不辭瘁。豈意中年傷別離。水澹蕩山崔巍。山崩水絕志不移。誓將地下相扳追。上有白髮親。下有黃口兒。免泣呱呱女心悲。登堂慰父母。入室鮮所宜。青燈窸窣二十載。風霜復悴蒼松枝。風霜何烈心何苦。白日沉沉自終古。杜鵑飛上荒陵樹。

前題

諸重光 姚江

丁坊才子蕭蘭陵。名垂志乘純孝稱。賢哉有婦亦死節。清操凜凜凝寒冰。青燈白髮傷心語。誰



識寒閨茹荼苦。堂前二老膝下孤。賴爾勤劬事  
仰俯。五十年華隙駒速。塚上雙鸞影相逐。生平  
賈志目不瞑。風雨猶聞娶婦哭。侍郎作傳寫幽  
貞。李穆堂先生彤管今推劉更生。題詩為播芬芳節。  
極目西江江水清。

前題

三首之一

蔣士銓

鉛山

誰為寡婦賦。留命乳衰姑。勤苦金能積。顛危手  
竟扶。忍聞跣別子。怕說土親膚。待寫夫人行。編  
成壺範圍。

諸作佳者甚多  
惜集隘不能載

何上選

字世章南城人待銓州佐

鏡中山

南山巖嶭聳雲端。移入菱花混作團。五嶺迴旋疑  
咫尺。三峰縹渺掛層巒。未容歸鳥投林宿。漫許遊  
人着屐看。翠赴比堂堪獻壽。休遮好影綴欄杆。

牧童

坡驅群犢破朝烟。兩兩三三盡少年。倦去鋪蓑貪  
卧草。閑來騎背樂垂鞭。手持竹笛吹峰外。髻插山  
花開路前。名利那知心管束。征夫相見共相憐。

漁翁



小艇如梭着短篷。生涯稔在釣竿中。一尊沽酒傾  
波綠。幾點懸燈照岬紅。吹笛渾忘村落月。安眠還  
任水搖風。浮雲變幻人間態。看老江頭白髮翁。

二詩俱酒  
落出塵

黃曙華

字右炳宜黃人

孤鴈

行斲知何處。飛來片影殘。自應不再偶。故爾遂成  
單。念侶殺偏急。含凄晚更寒。飄飄風色暮。一點碧  
烟搏。

酷似  
工部

自湖口達九江晚際有感

湖口闕行盡。天涯月掛空。家山千里外。旅棹九江  
中。浪捲沙汀白。燈然水館紅。眼前鷗鳥伴。泛泛欲  
誰同。

舟過富春擬登嚴子陵釣臺不果

浪急促征舸。阻我登臺興。峻嶒望中孤。晴色遙相  
映。紅鷹落釣餌。飛入前山徑。一縷柳風斜。絲綸水  
牽影。誰不逐中興。冠蓋豪華競。誰為帝故人。陶然  
樂游泳。萬古留規模。屹屹懸崖磴。臺水清涵虛。臺  
月光開鏡。雲封七里閑。樞鳥不堪聽。何年挹高風。  
一舟發孤詠。

點染  
雋永



寄泉源山熊合江

古寺來源水。幽栖翰墨蹤。一尊坡上竹。數篋殿頭松。每憶空山月。如聞曉院鐘。烟光杳靄處。心迹點相從。

白燕

白燕人間少。初鶩春社飛。雲裁何處羽。雪綴本來衣。翻幕翩翩靜。巢軒閣閣輝。幾回流夜影。疑是月穿幃。劉露而不俗

雪美人次韵

豈是元霜杵。垂殘雲。英宛立玉欄杆。舞回柳絮春

千點步印梅花月。一團洛浦波。凌環珮濕巫山雨。過夢魂寒芳情試取。昭天日。泣對東風淚不乾。

通首清穎起  
映便得驪珠

過北蘭寺

北蘭俯瞰極西東。眼底山河控帶雄。帆亂波心楊葉過。鳥彈花韻戒香融。一林清梵浮雲外。幾處遊亭古木中。白社幽尋爭到此。滿江詩畫寫天工。

黃鶴樓懷古

磯頭矗上起樓臺。朱碧虛欄八面開。漢水久經從口入。龜山欲似過江來。乘雲人去遺殘棹。舞鶴場



國事言卷一  
空長綠苔。玉笛寥寥。故已斷。楚天不盡興徘徊。

運事大雅確切

### 白沙洲

白浪淘沙淨。曲汀浪花飛去。白沙明。長年草樹都刪盡。鋪徧繁霜十里平。

### 擬峴臺觀漲

縱目高臺浩浩雄。驚濤殺撼萬家中。旋螺儘擬瀟湘濶。如馬難將灩澦窮。草樹沉迷千尺岬。星河搖動滿江風。何人利涉堪為楫。共濟飄零一水濛。

沉雄壯濶

### 秋夜陳進士祗齋招陪王孝廉濱洲

菊觴留夜飲。江月帶寒昇。拂座香塵起。懸空劍影騰。盧王忻繼武。燕許實超恒。載擁鄴侯富。斤操郢匠能。編成珠箔卷。賦罷露華凝。曩昔壇為主。品題價盡增。芳名群飲取。音采樂師承。南國佳人艷。北山處士稱。謬慚知范泰。真怯笑孫登。于世無長短。經年弱寢興。耕桑郊欲近。握槩日相仍。御李空徒慕。瞻韓得未曾。桐高充下爨。楸大困長藤。文酒懽初遂。風騷許更憑。辨雄驚葉落。論澈見淵澄。越境開神鏡。收材就直繩。青雲誇足附。白首愧堂升。癖



國朝詩集 卷五  
懶詩惟稿。痴娛酒是澁。弁言頂椽筆。光篋借心燈。  
花榭陪高宴。瓣香意不勝。  
字字工緻。但于鄙人為過情矣。

崔宸

字斗垣。南豐人。副貢。

夜宿瞻雲寺有懷胡二芥圃

寒風吹峭壁。驛路敞瞻雲。嵐氣窓前出。猿聲夜半聞。故人三日別。旅夢一山分。共有蒼涼意。誰堪更論文。

偕鹿洞諸友尋開先寺

拂袖冷然善。扳藤細與尋。危泉飛石罅。衆籟出雲陰。落葉霜風滿。寒烟半嶺深。相隨塵世外。一步一

開襟

字熟。鑪錐。

曾世棟

字樹中。臨川人。

千章夏木清

何處堪辭暑。繁陰別墅清。漫山添翠色。遍野起濤聲。繞屋濃雲布。凌霄綠蓋擎。深溪聞鳥語。嘒嘒聽蟬鳴。樾蔭開樽爽。薰風拂軫輕。豫章材可度。哲匠自生明。

吳絜

字四映。宜黃人。庚午副車。己卯舉人。

江樓秋興

江湖余豈樂。隨分狎樵漁。浩蕩南溟濶。瞻依北斗



國朝詩觀  
餘水香蓮意靜風冷柳行疎門外空秋草何人問  
索居。五六王孟家風

苦雨

曉雨復翻盆何時見日暎。癡雲凝不散積浪湧還  
奔。愁看禾生耳休論稻有孫炊烟寒更濕寂寞此  
江村。

吳陳式

字次崖宜黃人由郎庠補入太學工古篆鑄石著有葆真堂詩草

簫

玉簫吹動欲生寒雲鬢香飄入畫欄聲繞紫微垣  
外露梧桐樹上月輪圓。新而雅

秋江即事

茫茫秋水泛輕舟篋笠相隨下釣鈎。換酒有魚消  
歲月得眠憑醉老春秋。

貧女吟

昨日東姨傳翡翠今朝西姊炫珠璣。荆釵自插年  
年髮盞澁江頭汲水歸。

無脂粉可調顏色人棄人憐自主張天教一貧堪  
徹骨如何學得倚門粧。貧能安命見道之言

揭經

字書山臨川人

登高即景



登高縱目豁心胃。景物依稀自不同。幾片殘雲飄  
海島。數行新雁度秋風。烟村雨露疑枝白。綠野風  
霜點葉紅。何必飛仙矜跨鶴。此身已入九霄中。

豪放

李清馥

字紉秋南豐人著  
有郁園詩州

對明月

對明月。月明萬里長澄徹。舉頭問月月不應。脉脉  
照人巧與拙。丈夫意氣十分豪。欲探天根奔月穴。  
玉兔搗藥不醫人。桂樹開花不容折。今來古往兩  
蒼茫。富貴功名空口說。君不見。百年三萬六千日。

誰見團團千有二百回。噫嘻呼。照人之月月長在。  
看月之人土一堆。

初冬卧廬老丈暨諸全學過郁園小酌

十月西風冷。郁園小集初。得陪長夜飲。如讀異人  
書。細雨更寒後。新詩鉢擊餘。極知長者意。不厭食

無魚。

三四  
奇句

菁園題辭

如此清幽地。溪春與世遠。黃鸝隔樹語。蛺蝶傍林  
飛。一水闕花徑。千山抱竹扉。俗腸慚未浣。獨立釣  
魚磯。



芙蓉

淺淡相逢水一方。盈盈無語勝春粧。閒依曲檻愁  
秋雨。倦對芳池弄晚涼。解以貞襟霜下拒。應將孤  
幹月中望。幾回紅態生成醉。不共胭脂滴海棠。

秋興和卧廬老丈原韵

露薄楓林落葉攢。深秋月色冷難看。三年血淚衣  
重濕。九月金風骨漸寒。獨記趨庭師鯉訓。再難設  
饌進羊肝。天傾西北真多缺。鍊石何曾補得完。  
寒臯小閣坐無譁。檢盡囊錢付酒家。五夜離腸牽  
苜蓿。三秋懷思托蒹葭。鷄壇有客驄難乘。蔣徑無

人菊。懶花將下江州司馬淚。雲鬟未聽鼓琵琶。  
乘槎夢遠路難通。炷火何勞拜顛宮。五斗才高堪  
服思。半生詩苦慣留窮。漫如沈約腰嫌瘦。終信王  
安老化童。促織莫催秋興冷。滿江荼蓼正鋪紅。

鳳凰樓

鳳侶樓居事已遙。三秦霜月冷河橋。荒臺隔絕蕭  
郎夢。廢苑埋藏弄玉簫。伯業千年悲逝水。風流一  
代憶阿嬌。即今豈少乘龍客。無奈凰飛不再來。

仲宣樓

秋入荆湖湖水漫。登樓騷客泣南冠。仲宣只為虛



名。悞。劉。表。終。教。獨。斷。難。四。海。迷。離。巫。峽。夢。一。身。飄。  
泊。蜀。江。寒。風。塵。自。昔。淹。才。子。去。國。傷。心。暮。倚。闌。

### 岳陽樓

八。月。天。清。苦。竹。林。樓。中。客。夢。月。初。侵。巴。湖。水。繞。湘。  
靈。恨。巫。峽。猿。寒。山。鬼。心。花。酒。神。仙。歸。汗。漫。江。湖。宰。  
相。了。浮。沉。朱。櫓。粉。壁。留。題。盡。剩。有。羈。人。傍。晚。吟。

### 寄程大滙川

詩。酒。頻。年。慰。寂。寥。銷。魂。獨。上。灞。陵。橋。夢。殘。花。月。吟。  
難。穩。鬆。却。春。風。帶。一。條。

### 提壺蘆

提。壺。蘆。勸。君。酒。天。吾。蘆。花。吾。友。一。杯。一。杯。須。盡。醉。  
來。朝。風。月。知。誰。主。

王用儀字

拔貢

廬陵人 大年子

### 晚遊百花洲

洪。都。名。跡。別。塵。寰。晚。步。從。容。豁。旅。顏。惟。石。交。亦。成。  
拳。確。清。流。四。映。巧。灣。環。煙。容。不。逐。秋。風。老。花。徑。常。  
因。夕。照。殷。又。手。微。吟。憑。檻。眺。層。霞。片。片。布。西。山。

五六如  
圖盡

### 遊北蘭寺

醺。醖。何。辭。醉。清。遊。興。復。賒。竭。來。尋。晚。逕。隨。意。踏。晴。



沙遠嶂秋容瘦。深林夕照斜。望中青一片。塵外楚王家。

席鳳岡 字熾皋 新昌諸生

漫興 因拈韻賦此 余性嗜酒喜談詩遠春晴引壺觴自酌

傀儡盡登場。世界成今古。我生一味閒。覓醉江之滸。好友兩三人。循環作賓主。乘興步峰頭。有石高而俯塊磊。凌峴巖列坐。群疑虎盤踞。推詩讀讀聲。震山鳴。相將倚碧霄。上看雲飛舞。

先生胸懷洒落未嘗拘拘執筆出語天然是謂仙籟

國朝詩觀卷六

新昌王錫侯韓伯編次 男霖校字

王鳳喈 字載賡 江西新城諸生 著有聽竹軒稿

同陶三晴峰讀書廣度僧舍作

幽齋人罕到。寂處竟何如。晝永蜂衙靜。風高蝶板踈。亂山青入座。新篠粉粘書。况有芝蘭侶。同心不

鄙予 人靜念 覺境幽

秋風

少女鳴秋急。踈窓靜聽風。天高歸紫燕。江冷下丹楓。樹戰三更後。濤生萬壑中。不堪淒絕處。檐馬更



丁東

雅切

秋露

鶴警知初降。深宵露氣盈。月明看有色。漏靜滴無聲。梧葉珠紛綴。荷盤液滿盛。曉來芳欲採。天乳泛香清。

秋月

寂歷高秋夜。盈盈月正團。中天纖翳淨。萬里一輪看。露下侵堦白。更深照影寒。庾樓清興好。揮麈共

盤桓

三四自然

秋齋

齋頭人過少。秋盡轉淒涼。落葉風前捲。寒花砌下荒。裁詩酌去燕。倚月聽吟鶯。舊業還堪理。迢迢夜正長。

秋艇

遠近蘆花白。孤蓬分外幽。卧霜千里夢。泛月一江秋。岸潤村村樹。沙明處處鷗。斜陽洲畔笛。把釣正夷猶。

夷猶

三四簡鍊

秋蟲

草虫依砌切。賦夜轉淒清。唧唧還如訴。聲散別愴情。夢回秋一枕。人靜月三更。更咽東隣笛。愁心對



短檠

探梅

一徑尋梅去。因風得遠香。雪深高士宅。雲護野人莊。凍骨支寒瘦。仙魂破臘芳。孤山春有信。着屐為君忙。

賀家勤補弟入泮廿四韻

盛代鏘鳴鳳。吾家汗血駒。垂髫能對客。早歲解操觚。人似三眠柳。書成一串珠。文章金蜚翠。詩句赤珊瑚。名父推長史。佳郎即大奴。青箱欣世守。絳帳憶同趨。同受業尊甫細雨鶯花候。春風夜月隅。研

渠堂先生

思鏤骨髓。說理戒皮膚。勸架書爭探。蘭亭帖細摹。

揮絃張綠綺。鍊鏐試洪鑪。解舍三間住。燈篝十年

俱。年符松作夢。正十歲誓應寶呼盧。中葉初觀技。當

関早棄繻。先登徵捷足。轉戰笑非夫。初試黌序鐘

容撞。園橋泮可娛。乘時當電。勦感舊。轉嗒。門祚

今非昔。淵源女與吾。簪纓先代著。詩禮幾傳孤。中

憲森坊表。司成卓楷模。願言承祖德。相勗在鴻儒。

鵬翅九霄迥。驥蹄千里驅。香分蟾窟桂。宴洽曲江

鱸。位置思臺閣。聲華陋砥砮。祖生鞭共着。起舞聽

雞呼。

屬對工雅  
用情密緻



聽竹軒小集

名賢家世舊青毡。炎日過從酌石泉。風穩睡酣花  
塢蝶。山空響徹竹窻蟬。斜陽踈磬尊前句。秋水南  
華榻上編。吟罷歡呼浮大白。醅醕不問世三千。

憶齋中牡丹

萬辦香多競愛憐。花幡護處藹芳烟。粉紅有態還  
傾國。富貴無心已証禪。翠幄朱欄春婉婉。清歌白  
板興高騫。齋頭未得追良會。想像穠華倍惘然。

展上巳日修禊于楊大沅南書屋

分得譚字

三月風光到十三。移來上巳起清談。兩堤楊柳烟

千縷。萬點桃花水一潭。小艇溪頭人載酒。流鶯檻  
外客分柑。蕭蕭春暮成高會。芳草斜陽逸興酣。  
春光瀲灩映春衫。江館雲深繞翠簷。日麗風和溪  
曲曲。鳥啼花落徑三三。誰傳解禊唐新節。却愛流  
觴晉雅談。歸路馬嘶紅叱撥。一灣金月照山南。

夏日集楊大沅南書舍

美人高寄碧溪隈。蕩槳相遇記兩回。萬疊雲峰窻  
外影。一簾花蕊雨中胎。茶烟風裊親棋局。荇帶魚  
吹上釣臺。燕賞惟時忘主客。齋鐘暮起尚徘徊。

寄從兄安溪客豫章兼懷毅堂叔父



蕭齋春靜思。細縵雁序經時兩袂分。二月鶯花勝  
閣雨連宵。魂夢海門雲。池塘芳草君憐我。旅館青  
燈我憶君。更有吾家名叔在。可曾聚首對爐薰。

春日書懷

蠻雲挾雨暗春城。人坐竹樓聽雨聲。盡道椒花新  
歲月。誰憐蓬髮舊心情。酒酣阮籍清狂在。吟苦維  
摩太瘦生。三十一年長似此。敝貂羞說筆為耕。

春日過廣度僧舍憶同陶晴峯讀書于此

綠天深處曉寒凝。寺後高峰拾級登。入社又修今  
日約。聯床却記昔年曾。春風濁酒樓頭史。夜雨疎

鐘閣上燈。重省舊題猶浣壁。蹉跎正恐笑山僧。

寒食

絲絲楊柳罩烟輕。冷節逢時雨乍晴。畫鴨堂前蒸  
餅會。聞雞市上賣餠教。糗糒軟草王孫騎。蛺蝶香  
風玉女笙。最是春愁無處寄。春城明日又清明。

清明

寒食總過百五辰。清明萬灶出烟新。春風楊柳鞦韆  
院。細雨梨花蹴鞠人。三月青山啼杜宇。百年黃  
土臥麒麟。閑來試向高邱望。處處新楸盡愴神。

閔居雜興



漫言季女嘆斯饑。水綠山青得自怡。門喜蒼頭差  
記客。婢憐赤脚不知詩。三春菜種雞腸圃。一徑花  
編虎眼籬。落日東風無個事。茶甌青史兩相宜。

黃悔亭孝廉容齋明經涂佑庭進士枉顧齋

頭即席有作得魚字

雙扉藤滿正閑居。剝啄穀中客過予。小雨三春茶  
白後。輕風四月麥黃初。杯香喜有新篘酒。味美憐  
無入膾魚。料得故人知小阮。忘形此日始相于。

三四  
輕秀

山寺讀書示諸生

十五嬌憨笑又顰。儂家蓬首不如人。南山敢說潛  
踪豹。北溟猶思擊水鱗。夜月一樓元亮酒。秋光半  
榻子猷笙。且將方外幽襟散。香火楞嚴往復巡。

秋日南城過友人旅舍因而止宿

霜葉蘆花客裡秋。西風裙屐訪同儔。分題硯北新  
詩社。買醉城東舊酒樓。雙水烟銷澄白練。二姑日  
落豁清眸。高空旅夜情何極。軟語燈昏數漏籌。

全首  
大雅

天一山懷古

登臨山尚矗穹窿。太息繁華轉瞬空。歌管樓臺秋



草外綺羅宮。院野籬中。一群寒鳥呼斜照。幾樹衰  
楊起晚風。惟有長江還似昔。潏潏日夜繞城東。

### 憇釣魚臺

華子岡頭華子居。釣竿獨繫興何如。閑心喜我真  
如水。雅志知君不在魚。苔髮沿鈞纖月吐。蘋花依  
渚好風徐。仙踪去後無消息。終古荒臺片石餘。

作者于七言近體  
尤為風雅擅場

萬中侯 字聖因南  
昌太學生

### 舟中即景

行旆閔津指扁舟。勢似梭浪平春水。濶烟淨暮山

多。柳色忙中度。桃花望裡過。莫虛今夜月。樽酒聽

漁歌。

三四的  
是唐音

### 雨過清泥

風風雨雨過清泥。雲水蒼茫望欲迷。孤鶩烟嵐江  
岸濕。片帆花浪楚天低。故鄉情斷山千疊。愁客心  
殷鳥一啼。努力加餐聊自適。高堂差喜進蒸梨。

### 即景

滿篙春水泊江邊。無限晴光入望懸。柳岍風來鶯  
亂織。蘭墻雲過燕初還。蛙鼓斷續山前寺。艸色芊  
綿雨後天。景物悠悠真個好。漁歌一曲契蹄筌。



不寐寄舍弟御庭

不寐聽金鐸。教教徹旅魂。江湖人易老。寂寞淚難吞。歸路睽千里。歡歌聚一門。融融依膝下。朝夕奏

箎塤。

至性之語足以感情

涂學珙

字贊皇江西新城縣諸生詩文行誼為時推重

琴臺玩月南豐城北

商飈起四野。薄暮難為心。高臺陟良夜。清輝滌衣襟。孤鴻叫天末。寒響散遙岑。銀河逶隱現。玉宇空森沉。不知此臺畔。秋思幾家深。臺基已半圯。月色還相侵。蒼茫積素內。誰為理瑤琴。孤獨不可見。浩

然傷古今。

音節

同張冲碧薛荔村看荷花遂至龍湖

微雨南山來。涼風洒疎竹。溽暑一為怯。幽人同寓目。尋芳出北郊。行竹荷正馥。緬彼群仙姝。何年謫塵俗。亭亭若有思。濯濯渾無欲。波定固忘言。日映疑初浴。相對各有懷。欲還仍不子。胡為鐘磬音。冷與孤心觸。念此不染姿。採以問天竺。

與會飄然

雨後觀麻姑山瀑布

絲絲雨脚隨天風。千山萬山青濛濛。麻姑雙瀑三百丈。傾瀉直與銀河通。怒張蜿蜒玉龍掛。粉光不



定。穀。撼。空。殘。雷。宿。霧。爭。擁。衛。對。舞。交。翔。願。盼。雄。噴。  
沫。沸。石。石。欲。墜。氣。象。杳。藹。蒼。冥。中。我。初。往。觀。心。慄。  
冽。須。臾。稍。定。情。奔。悅。一。流。泉。耳。何。足。論。雨。後。觀。之。  
乃。奇。絕。選。勝。何。須。問。匡。廬。採。幽。不。必。窮。五。泄。如此。  
名。山。真。足。耽。洞。天。福。地。孰。工。拙。欸。然。霽。色。天。轉。高。  
明。月。團。團。照。積。雪。

雄逸似青蓮

送別舒山夫子還盱江

九折坂盤渦水吏道屈蟠乃有如此有懷逼促不  
得舒讀書筮仕徒爾爾我公我公真天人胸藏智  
珠若轉輪堂皇片語了公事風塵大吏弗敢噴六

載盱城訟獄息四境黎元皆手額黎山高黎水清  
憶昔有鯀擾江渚羣狐嗥嗥白日鳴陰霾塞空四  
野晦閭門枕席恆宵驚公來一掃諸蠹平老胥捧  
讀默無聲高吟密咏有餘情從來名士屈專城却  
使麒麟地上行噓吸能使祥風生君不見黃花九  
月黎陽道父老如雲擁去旌

送陽御李夫子歸寧都

梅水楊夫子歸來歲暮時綺筵今夜酒別路昨朝  
詩馬迹霜田滑鷄穀野店暹三更知不寐明月照  
相思



輓魏和公前輩

哲人今已往。愴惻六何深。絃絕春風冷。筵空夕照陰。江山仍故國。猿鳥和哀音。惟是清宵月。還來傍翠岑。

舟曉

夢冷披衣起。長帆向月斜。香來知杜若。白過惜蘆花。破曉烟如水。凝霜草似沙。鷄聲聞隔岸。寥落幾人家。

中二聯新雅

遊北蘭寺

古寺訪城西。林深曲徑還。好花閑自落。幽鳥靜還

啼。門掩知僧定。碑橫待客題。清泉洗塵俗。我意欲

禪栖。三四似襄陽

南宮清隔水。坐對一亭幽。屋後松巢鶴。門前渚浴鷗。花坪愁宿雨。瓜圃愛先秋。無事蕭閒坐。涼風更上樓。

贈任幼剛

此日乘牛客。當年躍馬人。故園芳草夢。垂老異鄉身。世事何容問。閒雲且自親。會須吾道在。不必嘆風塵。

登翠微呈吳子政先生



懸巖誰闢徑。直上得居人。雲卧衣裳古。山空嘯語真。松花饑作飯。芝草倦為茵。忽見桃開處。杳然別有春。

輓馮邑侯

鎖院深嚴地。無醫竟隕身。瀕危憑老吏。含殮待官銀。百里神君譽。千秋苦行人。報施真莫問。慟哭及樵民。  
賣薪者至城聞訃慟哭而返

訟平敲朴廢。政簡吏胥稀。始覺民生定。誰知天道非。毋寒惟有被。兒幼竟無衣。迢遞巴山路。春風旅櫬歸。

題畫竹

正苦居無汝。披圖看轉工。枝低疑受雨。葉亂不因風。涓水秋聲細。湘源月影空。誰能橫短笛。吹徹玉關中。

旅宿

自憐旅邸蕭條甚。二月春寒暮宿時。百里關山遊子意。半床風雨故人詩。鷄聲欲咽寒烟重。僮語初聞曉燄遲。才愧謫仙情更癖。前途誰為訂心知。

贈彭中叔先生

蕭蕭白髮舊衣巾。一入名山七十春。剩有閑情編



甲子。非無流水澹宵晨。半村暝雨。門前柳。八月秋風。礪戶。尊富貴。浮雲看自足。清樽草閣聽松筠。

春日遊龍湖

春風潛引蝶。踟躕綠樹參差古。剝邊一艇和雲依。曲水數峰如夢隔。晴烟忘機鳥啄叢花碎。負暖魚吹細浪圓。興好不知長日過。朗吟閑倚夕陽前。

五六体  
物工緻

秋日寄懷李穆堂學士

極目蕭蕭秋氣淒。薊門影斷笑雲泥。荻花被冷菰蘆夢。梧葉風燃太乙藜。一掌欲撐肝水外。千章遙

蔭大江西。韓公門下誰郊籍。潦倒吾徒此鷓鴣。章門片晌接風流。如駛年華去住愁。天祿閣邊涼月夜。麻姑峰下夕陽秋。孫弘解識蘼藍苦。阮籍原懷廊廟憂。却奈蕪葭天各別。祇將心事付沙鷗。

秋日雜興

碧雲天淨露華虛。蕭瑟何當鬢髮疎。幾處青山幾兩屐。一簷斜日一編書。小亭微雨落梧後。獨夜秋風明月初。莫嘆流年太容易。清光吾自愛吾廬。芙蓉花下步遲遲。冷熱無端總自疑。已分秋風學。紈扇。那知人命似哀梨。兒魂別院殘陽外。親樹孤



燈。小。雨。時。衰。暮。不。堪。腸。九。轉。大。拙。莫。續。楚。人。詞。  
百。年。世。事。閑。孤。把。百。尺。樓。臺。接。素。秋。每。一。登。臨。空  
咄。咄。邇。來。風。物。正。悠。悠。碧。天。高。鴈。毅。初。過。疎。柳。寒  
蟬。響。欲。收。乘。興。消。憂。消。未。得。二。三。同。侶。若。為。遊。

題畫

古。木。山。中。結。屋。幽。有。人。相。訪。共。登。樓。綸。竿。理。罷。斜。  
陽。外。楓。葉。蘆。花。一。片。秋。  
閑適

輓胡將軍

出。入。重。圍。血。染。裾。矢。亡。援。絕。壘。江。魚。錢。塘。八。月。秋。  
風。怒。應。有。寒。潮。繼。子。胥。

謝應熊

字渭年宜黃人拔貢生

冬宿雲社山房竟夕不寐口占

青。烟。縷。縷。漫。長。空。寒。氣。蒼。茫。夜。色。中。鷗。宿。淺。沙。江。  
浸。月。鷓。啼。曠。野。樹。呼。風。隔。林。禪。火。時。明。暗。對。榻。譚。  
鋒。幾。異。同。倒。盡。叵。羅。無。限。興。攜。壺。敲。竹。喚。隣。翁。

登鷄籠山訪宗以弟

峰。危。路。迤。邐。頽。曲。天。沉。浮。日。照。孤。泉。冷。雲。披。古。柏。  
幽。山。尾。驚。客。到。林。鳥。報。人。遊。抱。膝。長。吟。者。相。逢。默。

點頭

中二聯  
幽雋

夜宿晉淨菴遇雨



普淨禪林古。雲巖作客房。霧來山失影。雨過竹生香。陰谷生天籟。飛泉噴壑。曉鐘驚夢切。何處是吾鄉。寫景如畫

### 制中偶入山房

不到山房已歲餘。那堪重檢舊琴書。塵封草榻蛛張網。嵐漬牙籤蠹結廬。方圍花寒松。額。月。小。橋。石。斷。柳。溪。漁。川。原。如。故。風。光。異。夜。半。啼。鳥。更。動。予。

### 楊花

糝糝楊花垂岬。顛狂花正濃。趁風高。作勢落地。渺無踪。自喜輕身出人憎。撲面。逢。為。萍。萍。實。蒂。飄。泊。定

何容

是物是人  
足以為戒

夜宿石蛩不寐而作

謾謾松風攪夢神。醒來細認夢中身。歌行露重苔侵襪。趺坐嵐浮石作烟。竹影搖翻殿角月。柝聲敲落蛩頭塵。為呼支遁悄無語。野鶴孤鳴過淺津。

### 舟行遇雨即事

計程百里近汎舟。十日過迷離。烟鎖岸。浙瀝雨橫河。晝暝旅情困。夜寒鄉夢多。一樽醉復醒。鼓柁漫高歌。

### 出澹臺門即事



逆旅搃寂寞。消閒任出遊。杖策郊原曠。陰霾亘荒邱。纍纍新舊塚。沙飛草長秋。朱棺窳古徑。白骨委寒溝。當年居華屋。管絃並車裘。文章推巨手。談諧更風流。俯瞰天之下。落落孰與俦。曾去幾何日。不能保。一杯晝晴當。股栗况乃暮雨愁。對此豪氣盡。四邊鳴啾啾。可當雅門琴操

感遇次張曲江韻

門絕車馬迹。當軒月溶溶。撫桐竹徑下。古調最宜鍾。山之秀。以鳳水之靈。在龍一夕空。山韻千古憑。吊胸不見高士遇。即令人景從。

渡楊子江

曾聞江渡險。此日駕扁舟。風定波仍感。天空岸與儔。曙光忘北固。晝色辨瓜洲。回看金山寺。依稀島嶼浮。

嶼浮

三四雄壯

趙北口

長堤十里倚平湖。柳蔭花香夾岸俱。畫鷁含烟漿滴翠。彩虹接軫檻流朱。村莊不斷漁人迹。樓閣宛如仙子都。最喜清風明月夜。笙歌雲鶴共携壺。

寫竟逼真

放閘



國朝詩集 卷一  
鼓角敲殘夜。喧呼運閘開。清波斜注。月急湍。猛轟  
雷。艦巨排山去。帆高拂漢來。客心何處。是旅雁渡

江隈

中四  
實景

小有天園

湖山多勝致。點綴若天成。路自洞中出。雲從屋底  
生。叢深花石間。溪斷板橋迎。倚從蘇堤上。忘歸此  
地情。

仲冬風雨淹旬兀坐無聊輒觀漢書

草。逞晴猶濕。蓬門雨更寒。風狂來客少。泥滑出街

婢。愁添酒。羸妻笑減餐。漢書三傑傳。落魄是

張韓。

書陳君度迷書院壁

交遊落落孰知音。好友相逢刻似金。話到舊時山  
月淡。裁成新句樹雲深。北湖水漲魚依荇。西苑風  
清鶴聽琴。遠望江樓帘未撤。買瓢村釀對花斟。

哭文學熊君西苑

冷雨疎寒夜不眠。思君未敢撫遺編。幾回欲問人  
何處。星落寒江霧滿天。

日斜天外鵬飛來。駿骨珊珊已作灰。滿地白楊秋  
瑟瑟。燕人空費築金臺。



章門舟次書懷

一片孤帆到豫章。參差垂柳掛斜楊。月明古岸秋風勁。星動澄潭曉露香。撫劍正思酬六載。擔書猶恐負三場。茫茫前路遙如許。何日花磚數玉堂。

覽吳西畝過棲蟬齋中詩依韵擬作

石徑囂氛絕。桃源別有家。澗香風引荇。林淨露圍花。馴鳥依青砌。閒雲覆白沙。此中幽遠處。休向外人誇。

秋興呈諸同志仍用前韵

不才淪落久。比迹野人家。草蔓秋鋤菜。池清曉灌

花。虛窓含竹月。矮屋入風沙。莫道雲泥隔。閒勞致

足誇。閑閑自得

會讌鳳麓軒遇雨

豪氣祇今信未刪。相逢猶是故人顏。古詩疊賦知余拙。村酒頻沽怯主慳。風急飛來窓外雨。霧濃失却眼前山。多應鬢髮經秋老。一生能有幾時閑。

友齋夜話

當年曾聚首。此夕更談心。少壯方如昨。沉淪遂到今。酒樽山翠染。書簾夜雲侵。吾道堪相證。閒情付短吟。



鹿村懷舊

寂寞春風路。澹蒼村落烟。齋仍廿載後。人去十年  
前。野語山陽笛。溪聲子敬絃。談情別下榻。夢繞舊  
花邊。

宿對山草堂疊前韻

闌經邀初月。開簾納晚烟。峰青殘照外。樹翠落英  
前。緩步禽鳴管。長謳澗弄絃。酒酣話竟夕。醉我白  
雲邊。

登妙高峰

眼中萬壑小。天外一峰尊。帝座通呼吸。山城列子

孫。足時憂或墜。手自覺堪捫。野鶴長相伴。簪纓那

許論。

老健  
副唐

陳兆傑

字漢三。崇仁縣諸生。著有浯川山房稿。

浯川書院聽濤樓

推窓爽氣來。翠屏遠峰佈。蒼蒼山雨過。珍珠湔崖  
樹。風送錚錚聲。驚入匡床寤。野鳥趁時鳴。松竹遶  
山屋。不必時青瓜。蒼翠消三伏。閒弄荷。蘭操。消受  
杯中綠。

中秋讌集石臺

秋風動碧波。桂香滿瑤闕。清光襲我裾。提樽開碑



國朝詩集 卷六  
一。個。月。結尤  
雋永  
砒霜白染婆娑龍。蛇露筋骨。夏然山鳥鳴。萬籟俱  
勃發。綠烟一縷上。茶爐煨榾柮。崖下汲清泉。一瓢

夏夜隨江踏月

夜月當空皓無雲。江洲虛白解炎薰。江波漢月碧  
萬頃。點點沙鳥自成羣。沙鳥識我機心空。一任蘭  
橈往來風。人心亦徒成險仄。江河十載流西東。坐  
視江波流不息。月光激射玻璃色。清露瀼瀼濕芳  
甸。四野蛩聲吟唧唧。古岬低陰起燭螢。點點燒紅  
楊柳青。依山傍谷隨流月。江上行人擬落星。江月

萬古照。行客行客何時虛。月夕常見山霧接墟烟。  
環江織出素練白。江烟隊裡連昼棟。幽窓泠泠韻  
相送。尋聲潛步粉牆東。綠綺焚香對月弄。寫出高  
山流水情。月到天中窅無聲。輕風淡蕩吹波面。靈  
腔活潑太虛清。通首清  
澈無塵

秋日登滕王閣

章門尋勝跡。雉堞聳巍樓。疊嶂藏多寺。遙天沒遠  
舟。雲飛千片葉。雁寫一江秋。拂髻看餘瀋。子安賦  
尚留。佳句  
可畫

秋日薄暮野望



環帶波光奪彩霞。村南村北幾人家。遠峰斂霧收  
殘雨。老樹迎風。軋暮鴉。不斷砧聲雲外槌。偏饒蘭  
棹浪中划。低徊細訪秋消息。桐碧焦黃滿地花。

春暮野望

花窓列岫挂斜暉。門向東皋望翠微。一陣烟光迷  
綠柳。滿園春色暗薔薇。啣泥乳燕穿簾入。背牧青  
牛識徑歸。醴內梨花應釀熟。好同明月醉芳菲。

秋日遊琴山書院有感

孤館蕭蕭冷氣侵。憑欄極目對疎林。一江白練翻  
斜照。千尺蒼松冷翠陰。歌咏樓前餘瀣在。芝蘭架

裡綠苔深。悲涼莫下秋風淚。滄海桑田自古今。

寓上橋寺瞻雲閣

高閣崔嵬插碧空。烟嵐環處畫圖中。窓含湖水千  
層白。檻拂霞光一片紅。竹裡鐘聲敲夜月。柳閒鶯  
語唱春風。白雲冉冉東南際。萬里相思兩地同。

自江南歸立秋日過湖

長江滾滾向東流。吹老西風動客愁。檣破雪花千  
頃浪。岸飄桐葉五湖秋。天邊字草新來鴈。洲際機  
忘舊宿鷗。盡說肥鱸歸正美。灘頭競放釣魚鈎。

飄忽  
不羣



周正芬

字丹夢臨川縣廩生

夜坐

窈處山齋興未闌夜深又見燭花殘月明千里鴻  
飛遠露冷三更鵲夢寒閱歷未知逢世好推敲祇  
覺賦詩難步檐閑向空階立無限清光獨自看

春日

朱欄日靜花無語畫閣風輕燕自嬌人立小庭詩  
意遠閑看孤鶴上青霄

方草吳璘

字文珊南城人乾隆己卯舉人著有寄閑  
燕遊二草

虞美人花遊畢姑山

孤峰巖嶭與天齊洞老藤蘿碧草妻法水飛空千  
澗淨慈雲聳翠萬峰低儵然不見冲霄鶴怒態如

存挾石狷滿前靈山圖莫畫松烟藹處好留題

傑閣屨屐踞絕巔藍橋碧水盡連綿謾言劫後悲  
芳草須識當前有洞天滿徑花繁明曉日一灣松  
暗記長年閑來看取燒丹灶依舊霏霏擁紫烟

丁熙

字我山南城廩生

壬午秋試歸舟即事

冲霄鳳羽看翩翩投老何心逐畫船明月半窓侵  
旅夢秋江萬里破愁烟楓林露濯新詩句桐葉風



調舊瑟絃。回憶東山。予家地名成穩臥。知非此夜嘆。遠年。時值五十初度。

丁大猷 字允吉。熙之子。庠生。

秋試歸即事

水國芙蓉濯露華。重重浪錦影。檣牙敢言世事翻。棋局願展。心情拂劍花。十日清樽融舊雨。五雲佳句。燕雲霞。大羅方竟覓裳曲。連棹歸隨八月槎。

吳邦鏞 字先聲。南城人。著有留青詩集。

秋興

幾局羸輸似奕棋。垂髫又作白頭悲。陰晴轉換三。

千晝。風月消磨十二時。江上芙蓉空窈窕。天邊歸燕尚遲遲。年來觸緒成孤憤。草木飄零亦有思。

吊芳吟

藥欄東畔又黃昏。坐對飛花滿袖痕。霧帳半籠迷蝶夢。風刀急剪醉冰魂。有錢不賣迴文錦。無計空消暮雨春。遙憶鳳釵零落後。夜寒被玉倩誰溫。

寄懷范侍御塞旋

風景蒹葭轉晦暝。知交落落似晨星。當年對酒空懸榻。靜夜懷人有敬亭。雪窖冰天曾閱歷。魚在蟹舍亦飄零。門前只有鴛湖水。留洗黃沙戰甲腥。



漂母祠

漂母祠前鴉亂飛。垂楊垂柳綠來圍。未分楚漢三秦日。先識英雄一布衣。盡日靈旗風獵獵。滿堤寒雨晝霏霏。可憐鳴咽清淮水。猶遠韓侯舊釣磯。

三四  
新警

由錢塘過嘉興感賦

徹夜吳歌櫓緩搖。江天霜月淨中宵。滿堤蚕食如雲樹。萬點漁燈逐晚潮。越水重來人隔世。謂章嚴關又放客題橋。飛蓬轉信窮居好。南望寒雲幾暮朝。

即席贈章恕齋

名香錦幔畫闌干。銀燭清歌夜不寒。玉盞醉斟花露酒。朱櫻新簇水晶盤。由來事業推周黨。畢竟風流屬漢官。四座羣賢公譙日。龍門高擁碧雲端。

舟中同何從之作

河堤楓柳亂寒烟。坐對西風共黯然。名士文章知已泪。長江風雪故人船。孤吟難寫傷心日。華髮能禁感暮天。回首十年成往事。青燈濁酒伴愁眠。

送張致元之楚

蒼鬢居然是老成。又從風雨賦孤征。二千里外勞



人夢四十年來客子情。芳草綠深彭蠡澤。杜鵑紅  
盡漢陽城。相期莫負秋光好。一棹長天江月清。

登愛山臺

登臺一縱目。迨絕萬山隈。此地人千古。當年酒一  
盃。風流知未改。荒徑不須開。同是登臨客。應憐作  
賦才。

別沈山書

共惜勞勞客。離筵醉易醒。去來如薄霧。聚散等浮  
萍。秋月尋常白。寒山分外青。歸舟應有夢。多半在  
西泠。

老健

三月晦日送聞易莊南歸

三月晦日長安雪。春歸何處迷。蝴蝶落花搖蕩如  
有情。柳絮輕盈不堪折。門外風吹匹馬寒。一聲嘶  
斷離腸結。客中送客酒頻斟。欲飲不飲愁難說。君  
不見黃金臺。望諸君。肝胆如生誼如鐵。丈夫遇合  
會有期。不須分手重嗚咽。

富春山

一篙江水綠灣灣。千古嚴陵豈等閒。兩岸林花自  
開落。盡眉啼徹富春山。

先生諸作皆  
風雅成家

吳炎 字有光南城人



關山月

奔競入關山。關山孤月白。一望冷相侵。再望落人魄。茫茫憶吾家。路險關河隔。

倒插竹

唐時龍潭寺邱靜禪師拔虎刺插地後生倒竹

邱靜插虎刺。洞口生竒竹。枝枝疑雪折。垂垂掃蒼蕪。怪底凌雲心。屈伸同凡木。豈知風雨來。化龍出窮谷。

自四明過龍潭精舍

山空殊寂歷。深夜語禪房。火吹孤村月。鴉啼一樹霜。坐遲紅北闕。起視白東方。步出荒邱頂。青嵐帶

霧蒼

三四老境

直入芙蓉麓。亂山野草青。厓深猿抱子。壁峭鶴巢松。白雪雙飛練。青雲半壓峰。探竒橫逸趣。天際遠聞鐘。

望野

霜到園林樹。樹秋薜蘿藤。上叫班鳩寒。花露冷。迷殘蝶。沙草風迴立。小鷗天半紫。虹橫白日。山腰翠葉臥黃牛。望中無限清新意。忽起鐘聲咽暮愁。

晚渡撫州

危檣直度撫州城。野水茫茫浪不平。犬吠蘆花烟



國草言舊  
慘淡。輕。收。雨。脚。霧。縱。橫。半。江。風。送。悲。秋。客。一。雁。啼。  
殘。落。木。聲。觸。處。不。堪。回。首。望。窮。愁。猶。向。夢。中。生。

劉穗

字九皇新昌人草書名世與同邑吳忠節  
馮薇圃相友善著有白庵詩集行世

進長溪

循流似入武陵溪。元壑蒼崖宿霧迷。却捫松蘿行。  
不到春山幽鳥隔花啼。

鳳凰庵

岑楓森竹引烟斜。一角青山半畝茶。滿地春光留。  
不住老僧無語落松花。

劉欽

字子謚新昌人敏慧工詩著有夢虫吟諸  
集

乏食

已是年將改。猶然突冷焚。且從貧友畫。莫使老親  
聞。忽忽嗟時命。明明問典墳。無能于此極。那禁室

人云

三四可知  
其至性

劉信世

字懷仁新昌人太學生著有拙啾草

過廣陵

一帆秋雨泊蕪城。舊院荒臺不勝情。二十四橋歌  
舞地。夜蟲猶作管絃聲。

結語覺開熱  
亦覺淒涼

劉及

字道仰新昌邑廩  
天性孝友

龍泣天次日其尊人捐館賦斷腸詩有草莽  
清明日晨興吟罷條然無疾而逝

月詩見

卷六 劉及

二六



絕句

落絮燕啣歸畫棟。殘花蜂抱撲紗窓。雙燕戀惜春光暮。日逐東風未肯降。  
風經杏樹紅都盡。雨過秧田綠漸加。妙舞踈慵看  
蛺蝶。清歌鬧熱聽蝦蟇。

送黃司巡還鄉

八載神交久。非公未到門。鼠狐清數澤。鷄犬靜鄉  
村。地小載恩重。官微識道尊。觀瀾千古意。風度此

長存。

五六巡  
司官箴

和巡司黃建中韻

炊。熟。黃。梁。候。主。人。不。姓。盧。落。花。衙。署。靜。芳。草。故。園。  
蕪。景。物。貪。新。得。山。川。想。舊。模。俗。情。榮。昼。錦。吾。只。昔

時。吾。

全首  
蒼老

陳越三先生同客帶溪次韻奉答

漫說吾生定有涯。白雲深處足仙家。踏殘石徑千  
層蘚。欲覓天台二月花。滿岫暮烟含綠樹。半空返  
照散紅霞。歸來小酌西窓下。竹影參差月影斜。

劉智芳

字若愚新昌人明經著有問軒詩草

延綠軒同陳扶九諸友集飲

同在故鄉老。還從此地歡。整冠憐髮短。對客強心



寬魚聚濠梁。樂鷗親石嶼。寒紅梨香釀熟。春醉落花殘。

蘇仙橋

仙住白雲鄉。閱人如許忙。前途通百粵。順水下三湘。岬赤楓如染。霜青菊帶黃。竹陰山寺畔。孤艇一漁郎。

雅健 益籍

憶家

迢迢衡陽浦。淹留義帝城。關河縱不險。骨肉亦何輕。且漫憐妻子。無如隔弟兄。蕭條官署外。鴻雁兩三聲。

至性語且 有分寸

報家中平安書

平生甘守拙。至此亦如之。愁甚偏踈酒。囊空恰貯詩。且欣無疾病。頗足慰妻兒。自昔峰回雁。音書莫訝遲。

舟回長沙

微風二月盪春波。此日歸舟景若何。未邑鳳飛樓未穩。衡陽鴈斷影初過。祇今湘水魚蝦少。自古楚山猿狖多。江上漁翁成獨釣。寒空暮雨一烟蓑。

全首 渾雅

同安道中憶會兄張肇周



文明閣外雨瀟瀟。柳暗鳩啼兩寂寥。望斷河渠誰執手。黯然孤度葛江橋。

憶劉虛谷

何緣天作合。握手快同堂。雲淨杯傾月。星搖劍拂霜。浣香紉白菊。拈韻夏蒼琅。忽忽蕪葭遠。馮川水自長。

小春諸同友夜集芳洲

百年何計老村莊。此夜醪醕共引觴。明月不拘誰是主。白雲深與客同鄉。蒲林紅葉春寧小。數朵黃花晚更香。太史謾占星聚里。習家池上意偏長。

九日偕同人登鳳山

捷足何當汗漫遊。故人還憇此山頭。十年陳迹尋荒壑。一段殘碑吊古邱。曉嶺半遮紅葉樹。澗雲低鎖白蘋洲。可憐昨夜歸來鴈。對語霜汀蘆荻秋。

周承濂

字先洛南城人

尋母骸歸

母吳氏直耿逆難死烈江省東湖先生年十歲以石瘞母骸後尋歸

回望洪都塔頂。天夢中荷鍾幾周旋。翻深湖土三

三尺。尋出靈龕五五年。乙卯迄巳酉不盡哀衷知

母曉。許多淚點向誰憐。如今纔得歸先隴。麥飯千

秋哭杜鵑。

情辭惻怛至文也



曾章緯

字肇周南豐人著有臥債吟

午炊行

日高出門營斗米。日中扣門聲色喜。白粒者玉紅粒珠。一斗不足升有餘。炊烟上屋縷。復縷屋上風。吹日過午。

寄家

落日潭洲乳燕飛。因循行色日相違。下來鉄網風濤險。守得金莖雨露稀。嫁女正難搜。敝篋償人空道典。寒衣上年羸馬清秋路。算是天南稱意歸。

貧士况味如此

崔謨

字與遠號念陵乾隆壬戌進士刺有灌園餘事詩集

江寧秋興

西風蕭瑟舊樓臺。南國繁華夢一回。步出金蓮燦火動。歌成玉樹鼓聲來。石頭雨集楓初落。江畔雲生菊正開。吊古情深秋色老。饑鳥飛上故陵哀。土花石髮禁宮寒。緬想前朝創業難。虎踞關頭風色緊。鷄鳴埭口雨聲殘。堪憐燕子飛何慘。蚤信龍孫坐未安。腸斷孝陵霜月夜。雙楓點作血痕丹。

沈雄詞杜



論語

子曰。吾欲夏禮。吾能言。夏禮吾能言。杞宋之禮吾能言。杞宋之禮吾能言。

子曰。吾欲夏禮。吾能言。夏禮吾能言。杞宋之禮吾能言。杞宋之禮吾能言。

子曰。吾欲夏禮。吾能言。夏禮吾能言。杞宋之禮吾能言。杞宋之禮吾能言。

子曰。吾欲夏禮。吾能言。夏禮吾能言。杞宋之禮吾能言。杞宋之禮吾能言。





